

Inissiani attartortittakkani ineqarnermut tapiissutit pillugit Inatsisartut inatsisaannut allannguut (Ineqarnermut tapiissutit, aapparisaq aapparisaatulluunniit inooqatigisap toqukkut qimagunnerani, atukkatigulluunniit allanngortoqarnerani)

§ 1

Inissiani attartortittakkani ineqarnermut tapiissutit pillugit Inatsisartut inatsisaat nr. 23 7. december 2015-imeersumi uku allanngortinneqarput:

1. § 3 imm. 1-ip kingorna nutaatut *imm. 2-4* ikkunneqarput:

” *Imm. 2.* Ineqarnermut tapiissutinik tunineqartup inoqutigiinni ilaaffigisaani toqukkut qimaguttoqarpat allatigulluunniit atukkat allanngornerisigut inoqutigiit ikilippata, inooqatigiinni pisup kingorna qaammatini 6-ilinni siullerni *imm. 1* atorneqassanngilaq.

Imm. 3. Ineqarnermut tapiissutinik tunineqartup inoqutigiinni ilaaffigisaani toqukkut qimaguttoqarpat allatigulluunniit atukkat allanngornerisigut inoqutigiit ikilippata, ineqarnermut tapiissutinik tunineqartup kommunalbestyrelsimut inissiamik allamik, tassani ininik najugarineqartussanik najugaqartunut naleqqiullugu amerlanerunngitsunik qinnuteqarsimalluni uppernarsaaneraniit qaammatit 24-it tikillugit *imm. 1* aammattaaq atorneqassanngilaq.

Imm. 4. Ineqarnermut tapiissutinik tunineqartup inissiamik init najugaqartussallu amerlassusissaannut piumasaqaatinik naammassinissinnaasumik neqeroorfigineqarnini itigartissimappagu, itigartitsinerminngaanniit *imm. 1* qanorluunniit *imm. 3*-imi allassimasoqaraluarpat atorneqassaaq, taamaattoq siusinnerpaamik inooqatigiinni pisup pineraniit qaammatit 6-it kingorna.”

Imm. 2 matuma kingorna *imm. 5-inngussaaq.*

2. *Imm. 2, imm. 5-inngortussaaq,* ima oqaasertaqarpoq:

” *Imm. 5.* Pissutsit immikkut ittut pissutissaqartippassuk *imm. 1*-imit 4-mut aalajangersakkanit kommunalbestyrelsi immikkut akuersissuteqarsinnaavoq.

§ 2

Inatsisartut inatsisaat 1. januar 2018 atuutilissaaq.

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut